

11 - WAKASIKIRWA ZVIRINANI



1

Ungafadze Sei Zvido Zvemoyo Wako



2

Nyaya inotaurwa yemuchinda ainzi Thomas Huxley uyo aiva Biologist. Thomas akanonoka kusvika kuguta iro kaainofanira kudzidzisa. Nekukasika akapinda mungoro yayidonzwa nemaBhiza, ndobva adaidzira kunemutungamiri wengoro iyi achiti, "Nekumhaya Shamwari!"



3

Mutungamiri akateerera akatungamira mabhiza aya kudonza ngoro nekumhanya. Yakamhanya chaizvo ngoro iyi. Thomas Huxley paakanyatsogara mungoro iyi, azorora, akazosimuka nekukasika akadanidzira kumutungamiri wengoro iyi kuti, "Inzwa, inzwa unoziva here kwandirikuenda?"

"Kwete, handizivi," mutungamiri wengoro akapindura, "Asi ndirikumhanyisa ngoro nesimba rangu rese."



4

Vanhu vakawanda munyika varikumhanya zvikuru. Panezvakanwanda zvirikuitika muhupenyu hwavo. Vanogara vachifamba-famba nekumhanya kukuru. Asi chokwadi ndechekuti, vakawanda havazivi kuti varikuenda kupi; havazivi kuti hupenyu hwavo hwakanangepi.



5

Ichi ndichochikonzero Mwari achitipa rukoko rwekugumisira mubhuku reBhaibheri rekupedzisira, muna Zvakazarurwa. Pachitsauko 14 vhesi iriya 7, mupostori Johane anokoka nyika yakamirira kuuya kwaJesu nemanzwi aya...



6

(Chiverengo: Zvakazarurwa 14:7)

"...Ityai Mwari, mumurumbidzei; nokuti nguva yake yokutonga yasvika;

11 - WAKASIKIRWA ZVIRINANI



7

namatai iye, wakasika denga, nenyika, negungwa, namatsime emvura."

Zvakazarurwa 14:7.

Ngatimboti une bepa rino tsanangura kuti wofamba sei kuti uwane kwauri kuenda. Kana bepa racho rakakanganiswa unotorasika chete.



8

Namata ani? Namata Iye akasika denga nenyika.

Namata Musiki wezvinhu zvese.

Mwari anokukoka kuti tisafambe nekumhanya asi timire tinyatsonzwisisa zvese zvatirikuita.

Kana tikanzwisisa kuti takasikwa naMwari, zvinotipa kunzwisisa kuti nemhaka yei tiripano panyika zvakare kuti tirikuenda kupi.



9

Asi mumazuva anhasi, vanhu vakawanda vakanganwa Mwari Iye anova Musiki wenyika, nezvinhu zvese nevanhu vese varimo. Vamwe vanhu vanoti ungavimba Bhaibheri usina kana kunyunyuta. Vamwe vanoti hazviitiki.

Ndiani anechokwadi?



10

(Video: 6 sec) Iye nhasi, zviuru zvinofunga kuti takangovepo panyika.

Vanofunga kuti kwemakore akawanda takakura tichibva patunhu tuduku tikazova tumhuka twegungwa uye tikazova mhuka dzesangano kusvikira patakava vanhu.

Vanofunga kuti zvese zvakaitika nenjodzi kana kungoitikawo nenzira yatisinganzwisisi.



11

Asi unoziva here kuti Mwari akatipa chiratidzo chebasa rake seMusiki?

Akatipa chinhu chaive chichatifungidza vhiki nevhiki kuti ndiye akatisika, uye akasika nenyika yese?

Kana Bhaibheri riri rechokwadi, hupenyu hwako hwekumagumo husingaperi kana hokunorasiwa, hunoenderana nekuti wagamuchira chokwadi cheBhaibheri kana kwete.

Zvaunotenda muBhaibheri zvinoita mutsauko nezvaunotenda naMwari.

11 - WAKASIKIRWA ZVIRINANI



12

Mwari akatipa chiyeuchidzo ichi chevhiki nevhiki kutifungidza nevhiki rekusikwa kwenyika. Asi nyika yese yakanganwa chiyeuchidzo ichi.



13

(Video: 15 sec) Nekusava nechiyeuchidzo ichi, vakawanda vakanganwa kuti Mwari ndiye Musiki wenyika. Nenguva yedu yatinorarama, tinotumira vanhu kumwedzi kuti vanotsvaga zvingatiratidze kuti nyika yakatanga sei.



14

Tinotarira kure kunyeredzi, tichitsvaga kuti nyika yakavamba sei. Ngatitarisei mubhuku guru rinova Bhaibheri, rinodaidzwa kunzi Shoko raMwari, tione kana tingawane huchapupu hwekuti rinechokwadi kana kwete, kuti tingavimba naro kana kwete.



15

Sei tichizvinetsa tikadai? Nemhaka yekuti tinoda kuwana mhinduro kumubvunzo wedu mukuru. Tiritoga here munyika? Takasvika sei munyika? Nemhaka yeyi tirimunyika iyi? Zvakare takanangepi? Kutsvagurura kuno yenderera mberi. Asi kubva nakare mhinduro dziripo kumberi kwedu. Asi tiri nyika yakanganwa, hatichazivi kuti takabvepi.



16

Kune nyika yakanganwa, Mwari anoti, "Rangarira, rangarira kuti ndiri Musiki wako. Uye kukubetsera kuti urangarire, Ndakupa chiratidzo, chinoratidza!"



17

(Video: 5 sec) Panguva iyi munhoroondo yenyika apo kudzidzisa kokuti takabva kumhuka (evolution) kuchiti takangovepo, Mwari anoti, "Hauna kubva pamhuka, Ndakakusika!"

11 - WAKASIKIRWA ZVIRINANI



18

Asi, vamwe vangabvunza kuti, “Ndechipi chiratidzo chinotifungidza kuti Mwari akatisika?”

Ucharangarira here apo patakadzidza nezvakasikwa naMwari pavhiki yekusikwa kwezvinhu?



19

(Chiverengo: Mapisarema 33:8,9)

Kusikwa kwaishamisa zvikuru! Akazviita sei uye nekukurumidza kwakadai? Bhaibheri rinopa mhinduro: “Nyika yose ngaitye JEHOVA; vose vagere panyika ngavadedere pamberi pake.”



20

“Nokuti iye wakataura, zvikaitika; Wakaraira, zvikamira zvikasimba.”

Mapisarema 33:8,9.



21

Hatinganzwisisi kuti sei, asi Mwari akakwanisa kuti zvinhu zvese zvivepo panyika neshoko rake. Shoko raMwari, kunyangwe rinobva mumuromo make, kana rakanyorwa muBhaibheri rinosika uye rinesimba!

Kubvumirana uku kungatsanangurwa chete nekubvuma kuti Mwari akapa Bhuku rake kwatiri kuitira kuti azivise kuda kwake kwatiri.



22

(Chiverengo: Genesi 2:1)

“Denga nenyika zvikapera saizvozvo, nohuzhinji hwazvo.”

Genesi 2:1.



23

Nemazuva matanhatu Musiki akasika nyika ino, akaipfekedza nemi, nemaruva nerwizi kunzvimbo dzakasiyana.



24


Akaita kubuda nekunyura kwezuva kwakanaka uye nemwedzi waizovhenekesa manheru.

11 - WAKASIKIRWA ZVIRINANI



25

Asi zvikuru, Mwari akasika vanhu vaviri.
Kuremhekedzwa kukuru! Vakasikwa nemufananidzo
waMwari! Vakasikirwa kuvavatongi panyika
nepamusoro pazvose zvaivemo!



26

(Chiverengo: Genesi 1:27)
“Mwari akasika munhu nomufananidzo wake,
akamusika nomufananidzo waMwari; akavasika...”
Genesi 1:27.



27

Asi, Mwari aive asati apedza!
Aive anechimwe chaaida kuita.
Tarisa kuti Bhaibheri rinoti chii chakaitika pazuva
rakatevera rechinomwe rekusikwa:



28

(Chiverengo: Genesi 2:2-4)
“Mwari akapedza basa rake raakaita nomusi
wechinomwe;



29

akazorora nomusi wechinomwe pabasa rake rose
raakaita.”



30

“Mwari wakaropafadza musi wechinomwe, akauita
mutsvene; nokuti wakazorora nawo pabasa rake rose,
raakanga asika nokuita iye Mwari.”



31

“Ndiko kuvamba kwedenga nenyika, musi
wazvakasikwa...”
Genesi 2:2-4.



32

Mwari chete ndiye angaite kuti chinhu chitsvene, uye
Bhaibheri rinoti Mwari akayeresa zuva rechinomwe.

11 - WAKASIKIRWA ZVIRINANI



33

Kuzodza chinhu zvinoreva kuchichengetera basa dzvene. Mwari akasarudza Sabata panemamwe mazuva akaritsveta padivi. Rakaisiwa padivi sezuva dzvene rakapirwa kunaMwari. Panevamwe vanhu vanobvunza kuti zuva rinebasa rei. Kuda muyenzaniso uyu uchabetsera.



34

Pamuchato mukadzi umwe chete anotsaurirwa murume wake. Ngatingoti pamuchato wako. Wakafara zvikuru. Wangawakatarisira zvikuru panezuva iri kwenguva yakareba.



35

Ngatingoti mukadzi awuchachata naye ane vanin'ina vake vatanhatu. Pamuchato mukadzi umwe anobatanidzwa nemurume umwe chete. Atsaurwa, hasisiri mukadziwo zvake. Ndeakaisiwa parutivi kana akazodzwa. Atozvipira kune murume wake pamuchato.



36

Ngatingoti apo pamunopedza kuchata, umwe munin'ina vemukadzi wako owuya kwauri achiti, "Zvinomutsauko wei? Ndiri umwe wavanomwe. Hazvirevi chinhu kana ndikava mukadzi wako, nekuti ndiri umwe wevanomwe." Ungati kudini? Hazvinamutsauko here?




37

Ko Imi, Amai, hazvina mutsauko here kuna mwenga? Zvinemutsauko!

Semurume, unenge uchatu, "Mwenga wangu akasarudzwa, akazodzwa, akatsaurwa, akapiwa kwandiri?"

Naizvozvo Mwari akatora zuva rechinomwe, akarisarudza, akarizodza, akariisa padivi akaripira kwaari.

Sabata izuva rakakomborerwa uye rakayeriswa. Bhaibheri rinoti harizirimwe zuva chero, asi rinoti izuva rechinomwe.



38

(Chiverengo: Marko 2:27, 28)

Kristu akataura kuti: "...Sabata yakaitirwa munhu, munhu haana-kuitirwa Sabata."

11 - WAKASIKIRWA ZVIRINANI



39

**“Naizvozvo Mwanakomana womunhu ndiye Ishe weSabata wo.”
Marko 2:27, 28.**



40

Mwari akapa Sabata kuti tiwane nguva yekurangarira kuti mavambo edu hasi kumhuka. Mwari akasika munhu nenyika yese kwemazuva matanhatu! Iyi yaizova nguva dzvene apo munhu neMusiki wake pavaive vachasimbisa sungano yavo yerudo nekunamata vhiki rega rega. Vhiki nevhiki, munhu aifanira ‘kurangarira’ kuti Mwari akasika denga nenyika nemazuva matanhatu uye akazorora nezuva rechinomwe.



41

Mwari akaraira munhu kuti arangarire apo paakanyora nemunwe wake mutemo. Mutemo wechina uripakati pemitemo inegumi yaMwari. Mwari akaraira vanhu kuti “varangarire” zuva iri, nemhaka yekuti nemazuva matanhatu akasika nyika, nyanza, nerwizi dzemvura.



42

Dai Sabata raive richichengetwa sechirangariro chekusikwa kwenyika dai kusina vanhu vanoti takabva kumhuka, kana vanhu vanonyunyuta chokwadi ichi. Vaive vachayeuchidzwa vhiki rega rega nekwavakabva zvakare neushamwari wavo neMusiki! Apo chivi pachakapinda munyika, munhu akakanganwa kwaakabva nekuti nemhaka yei aripano panyika uye nekuti ndekupi kwaari kuenda. Paakakanganwa izvi, akabva akakanganwa zvakare kuti anofanira kugara sei.



43

(Video: 10 sec) Nenguva yaMoses, vanhu veIsraeri vaive vakanganwa Mwari wavo. Vaiva vavamukati mekunamata zvifananidzo zvakavezwa nemunhu!

11 - WAKASIKIRWA ZVIRINANI



44

(Video: 7 sec) Mwari akavadzivirira pavavengi vavo uye Akavatungamirira murenje apo pavaienda “kunzvimbo yechivimbiso.”

Vari murenje, Mwari akaita zvinhu zviviri kuvaratidza zvaaida kuti vaite neSabata rechinomwe raaive aita nevhiki rekutanga rekuvambwa kwenyika.



45

(Video:10 sec) Chekutanga, Mwari akavayeuchidza kuti anovada zvikuru uye Aiva avatungamira kubuda muEgipita.

Vaive vasinakutakura kudya kwakakwana.

Nekukasika vakatanga kushora vachichema kuti havachina kudya.

Vakaratidzika kunge vasina kutenda zvishamiso nerudo rwaMwari rwaave avaratidza, asi Mwari werudo akavapa kudya!



46

(Chiverengo: Eksodo 16:4,5)

“Ipapo Jehova akati kuna Mosesi: Tarira, ndichakunisirai chingwa chinobva kudenga;



47

vanhu vachafanira kubuda kundozwiunganidzira chiyero chinoringana zuva rimwe nerimwe,



48

ndivaidze ndiwone kana vachida kuteerera murairo wangu, kana kwete.”

Eksodo 16:4.

“Chingwa” chirikutaurwa apa chinonzi “manna”.



49

“Zvino nomusi wetanhatu kana vogadzira izvo zvavauya nazvo,



50

zvichaita zviyero zviviri kana vachienzanisa nechiyero chavanosiunganidza zuva rimwe nerimwe.”

Eksodo 16:5

11 - WAKASIKIRWA ZVIRINANI



51

(Chiverengo: Eksodo 16:6)
"Zvino Mosesi naAroni vakati kuvana valsraeri vose:



52

Madekwanaa muchaziva kuti Jehova ndiye wakakubudisai panyika yekuEgipita."
Eksodo 16:6.



53

(Video: 16 sec)
Manna yayiyuya manheru apo pava nedova. Kwaedza dova rasasauka, manna yayiwonekwa yakawanda pasi. Vanhu vayiyenda vachinoitora munguva dzemangwanani kozoti kusvikira masikati manna yainge yasara yainyangatika. Chimbomira, tarisa zvaitika nezuva rechitanhatu revhiki:




54

(Chiverengo: Eksodo 16:21, 22)
"Vakazviunganidza mangwanani ose, mumwe nomumwe sezvaaidya;



55

kana zuva ropisa zvakanakatika."



56

"Nezuva retanhatu vayiunganidza chingwa vachiita zviyero zviviri, mumwe nomumwe omeri mbiri;



57

zvino vakuru vose vewungano vakauya kuzowudza Mosesi."

11 - WAKASIKIRWA ZVIRINANI



58

(Chiverengo: Eksodo 16:23)

“Mosesi akati kwavari: Ndizvo zvakataurwa naJehova: Mangwana izuva rezororo, iSabata rakatsaurirwa Jehova;



59


gochai zvamunoda kugocha, bikai zvamunoda kubika; zvose zvasara muzvivige, muzvichengetere mangwana.”
Eksodo 16:21-23.



60

(Chiverengo: Eksodo 16:25, 26)

Maererano nezuva rechinomwe: “Mosesi akati: Chidyai henyu izvozvo nhasi, nokuti nhasi iSabata raJehova. Nhasi hamungazviwani kusango.”



61

“Munofanira kuzviwunganidza mazuva matanhatu; asi zuva rechinomwe iSabata; nezuva iro hakungavi nechinhw.”
Mavhesi 25,26.



62

Vakawanda vakaita izvo zvavaive vataurirwa naMwari, asi vamwe vakayenda neSabata kunotsvaka manna. Tarisa kuti Mwari aiti chii naizvozvo!



63

(Chiverengo: Eksodo 16:28-30)

“Zvino Jehova akati kunaMosesi: Munoramba kuchengeta mirairo yangu nemirau yangu kusvikira riniko?”



64

“Tarirai, Jehova zvaakakupai Sabata, naizvozvo unokupai zvokudya zvamazuva maviri nezuva retanhatu;



65

mumwe nomumwe wenyu ngaagare, kurege kuvapo nomunhu unobuda kwaagere nezuva rechinomwe.”

11 - WAKASIKIRWA ZVIRINANI



66

**“Vanhu vakazorora nezuva rechinomwe.”
Eksodo 16:28-30.**



67

Sabata rakavambwa pakusikwa kwenyika uye rakaremekedzwa nevanhu vaMwari vasati vasvika kuSinai, apo Mwari paakavapa Mitemo Inegumi.



68

Pamwedzi wechitatu werwendo rwavo, Mwari akaunza vanhu vake pagomo reSinai, ikoko akazviratidza kuna Moses akamupa nyaya yokugovera munhu wese:



69

**(Chiverengo: Eksodo 19:5,6)
“Naizvozvo zvino kana mukateerera inzwi rangu nomoyo wose, mukachengeta sungano yangu,**



70

muchava pfuma yangu chaiyo pakati pendudzi dzose, nokuti nyika ndeyangu.”



71

“Muchava kwandiri hushe hwamaprista, norudzi rutsvene.



72

**Ndiwo mashoko aunofanira kunwovudza vana vaIsraeri.”
Eksodo 19:5,6.**

11 - WAKASIKIRWA ZVIRINANI



73

Mwari akapa vimbiso inoshamiso chaizvo kuvanhu vake. Kana vachiteerera mitemo nemirairo Yake, vaiva vachava vanhu vakakosha uye rudzi rutsvene! Umwe murairo pagumi iye wakapuwa kuti vanhu vasakanganwe ushamwari hwavo noMusiki. Mutemo uyu, unotanga nevara rinoti rangarira.



74

(Chiverengo: Eksodo 20:8-11)
Rangarira zuva reSabata, kuti urichengete rive dzvene. Uate mazuva matanhatu, uite mabasa ako ose;



75

asi zuva rechinomwe iSabata raJehova Mwari wako; usatongobata mabasa naro,



76

iwe kana mwanakomana wako, kana mwanasikana wako, kana muranda wako, kana murandakadzi wako, kana



77

zvipfuwo zvako, kana mweni wako urimukati mamasuwo ako, nokuti namazuva matanhatu Jehova wakaita



78

denga napasi, negungwa, nezvose zviri mukati mazvo, akazorora nezuva rechinomwe;



79

naizvozvo Jehova wakaropafadza zuva reSabata akariita dzvene.”
Eksodo 20:8-11.

11 - WAKASIKIRWA ZVIRINANI



80

Sabata riripakati, kana mumoyo wemirairo inegumi. Zuva reSabata chirangariro chekusikwa kwenyika. Sabata rine zera nenyika, Mwari akariita pamwe nenyika.

Mwari anovimbisa vanhu Vake zvikomborera zvakawanda kana vakamuteerera uye varangarire chiyeuchidzo chekusikwa kwenyika.



81

(Chiverengo: Isaya 58:13, 14)

“Kana uchidzora gumbo rako pazuva reSabata, kuti urege kuita zvaunoda pazuva rangu dzvene, uchiti, Sabata izuva rinofadza,



82

nezuva dzvene raJehova rinofanira kukudzwa, uchirikudza, usingaiti zvaunoda,



83

kana kutsvaka zvinokufadza, kana kutaura mashoko ako;



84

ipapo uchawana mufaro munaJehova...”

Isaya 58:13, 14.

Dai munhu airangarira chiyeuchidzo chatakapiwa naMwari cheSabata, kutambura kwakawanda kwaanosangana nako, kukanganwa Mwari, hupenyu husinamaturu, kusazviziva, dai kwaigadziriswa nyore. Dai kusina vanoti takabva kumhuka!



85

(Video: 8 sec) Asi zvinosiririsa kuti, vanhu vaMwari vakakanganwa. Vakakanganwa kunamata Mwari nezuva rake dzvene uye,



86

kusati kwapfuura nguva yakareba vakatanga kunamata tumwari twezvitanda netwamambwe. Vakarasikirwa nekwavakabva!

11 - WAKASIKIRWA ZVIRINANI



87

Kumutsidzira kwakawanda kwekuremekedza Sabata kwaimboitika apo vaporofita vaMwari pavaidzidzisa kuti vanhu vadzokere kuMusiki anova Mwari. Isaya akakurudzira kuti Mwari haana kuti Sabata rive revanhu vechiJuda bedzi.



88

Sabata rakavambwa rudzi rwechiJuda rusati rwavapo. Mwari haana kupa chikomborero ichi kurudzi rumwe chete.



89

(Chiverengo: Isaya 56:6, 7)
Anokoka munhu wese, kunzvimbo yese kuti arangarire uye achengete Sabata pamwe naye.
“...Wese unochengeta Sabata...”



90

“...ndichavauyisa kugomo rangu dzvene, nokuwafadza muimba yangu yokunyengerera;




91

...nokuti imba yangu ichanzi imba yokunyengerera.”
Isaya 56:6, 7.



92

Hapana muBhaibheri chinyorwa chinoti zuva rechinomwe rinonzi “Sabata yema Juda.”
Jesu akazvijekesa kuti izuva remunhu wese apo paakati,



93

(Chiverengo: Marko 2:27)
“...Sabata yakaitirwa munhu, munhu haana-kuitirwa Sabata.”
Marko 2:27.

11 - WAKASIKIRWA ZVIRINANI



94

(Chiverengo: Eksodo 20:10)
“...asi zuva rechinomwe iSabata raJehova Mwari wako...”
Eksodo 20:10.



95

(Chiverengo: Mateo 12:8)
Jesu akataura kuti: “Nokuti Mwanakomana womunhu ndiye Ishe weSabata wo.”
(Mateo 12:8)nokuti ndiye akarisika.



96

(Chiverengo: Zvakazarurwa 1:10)
Ndichochikonzera Johane akaridana achiti “...zuva raMwari....”
Zvakazarurwa 1:10.
Sabata harizi chiyeuchidzo chekusikwa kwenyika nechiyeuchidzo cheMusiki chete, asi chiratidzo pakati paMwari nemunhu.



97

(Chiverengo: Ezekieri 20:20)
“MaSabata angu ngaave matsvene kwamuri; zvigova chiratidzo pakati pangu nemi,



98

kuti muzive kuti ndini Jehova Mwari wenyu.”
Ezekieri 20:20.
Akaita Sabata dzvene panguva yekusikwa kwenyika ndiye zvakare anoita kuti vatadzi vave vatsvene. Musiki wedu ndiye Muponesi wedu zvakare!



99

(Chiverengo: Ezekieri 20:12)
“Ndakavapa wo maSabata angu, chive chiratidzo pakati pangu navo,



100

kuti vazive kuti ndini Jehova, unovaita vatsvene.”
Ezekieri 20:12

11 - WAKASIKIRWA ZVIRINANI



101

(Video: 12 sec) Sabata rakavambwa chivi chisati chasvika panyika, zvakare richaremekedzwa zvikuru apo chivi pachinenge chaparadzwa nekusingaperi munyika.



102

(Chiverengo: Isaya 66:22, 23)
"Nokuti denga idzva nenyika itsva, zvandichaita, sezvazvichagara zviripo pamberi pangu



103

saizvozvo rudzi rwako nezita rako zvichagara zviripondizvo zvinotaura Jehova."



104

"Zvino panguva iyo nyama yose ichauya kuzonamata pamberi pangu, pakugara kwomwedzi mumwe nomumwe, napaSabata imwe neimwe-



105

ndizvo zvinotaura Jehova."
Isaya 66:22, 23.



106

(Video: 6 sec) Panguva yehupenyu husingaperi, vanhu vaMwari vachafarira kana kuremekedza Sabata vachimurumbidza seMusiki wavo naMuponesi. Kana Sabata rakaremekedzwa chivi chisati chapinda panyika, uye rigoremekedzwa zvakare munyika itsva yatichagadzirirwa naMwari, hazvinzwisisike here kuti tinofanira kuriremekedza izvozvi here?



107

Kana tinemubvunzo maererano naMwari neSabata, tingatarire kana kudzidza kuti Iye Jesu airibata sei.

11 - WAKASIKIRWA ZVIRINANI



108

Ruka anotitaurira zvaiitwa naJesu nemusi weSabata:



109

(Chiverengo: Ruka 4:16)

“Akasvika paNazareta, paakanga arerwa,



110

akapinda musinagoge nomusi weSabata sezvaaisiita, akasimuka kuti arave.”

Ruka 4:16.

Bhaibheri rinoti ndizvo zvaaitaiye Jesu!



111

Webster’s dictionary rinoti, “Sabata;



112

izuva rechinomwe reviki (Mugovera).”

–Webster’s New World Dictionary, second college edition.



113

(Video: 9 sec) Dai zuva raive rashandurwa kana kukanganwa pakati penguva ya Adamu naMoses, dai Mwari akazvigadzirisa apo paakanyora mitemo inegumi pagomo reku Sinai.



114

(Video: 11 sec) Dai zuva raive rarasika pakati penguva yaMoses na Jesu, dai Jesu akatitaurira.



115

(Video: 9 sec) Dai zuva raive rashandurwa munguva yevadzidzi vaJesu, dai vakazvinyora.

11 - WAKASIKIRWA ZVIRINANI



116

(Video: 9 sec) MaJuda anochengeta nguva nekuchenjera, arikungo namata nezuva rechinomwe, kana ne Sabata (Mugovera).



117

(Video: 19 sec) Paisava nemubvunzo nezuva chairo reSabata munguva yekurarama kwaJesu. Kubvunza nekupikidzana kwaivapo, kwaiva kokuti rinochengetiwa neipi nzira. Vana rabbi vakanyonganidza kuchengetwa kweSabata nekuvamba mirairo yairema kutevera. Jesu akayedza kubvisa zvinodiwa nevanhu uye aratidze zvinoreva kuchengeta Sabata.



118

Apo pavakashora Jesu kuti atyora Sabata nemhaka yekuti aive arapa vanhu nezuva iroro, akapindura akati,



119

(Chiverengo: Mateo 12:12)
“...zvakatenderwa kuita zvakanaka neSabata.”
Mateo 12:12



120

(Video: 18 sec) Bhaibheri rinoti Jesu akarapa zvakare akabetsera, Sabata nderokutigadzirisa, richitinunura pakunetseka kwemoyo yedu, pakusarura vanhu, pakunyima, uye richitipa runyararo mupfungwa dzedu; Nderokutidzoseredza pamufananidzo waMwari uye richitinongedza kuMusiki wedu! Iri ndiro basa Jesu raakauya kuzoita, uye ndiro basa rakasara richiitiwa nevadzidzi apo Jesu paaive aenda kudenga.



121

(Video: 11 sec) Kuti Sabata rinorevei kwakabudiswa pachena nevateveri vaJesu mushure mekufa kwake. Panguva iyi, shamwari dzaJesu dzakazorora nekuraira komutemo waMwari, apo pavakarega kuzora muviri waJesu kusvikira Sabata rapera.

11 - WAKASIKIRWA ZVIRINANI



“Navakadzi vakanga vauya naye, vachibva Garirea, vakavatevera, vakawona bwiro, nomuisirwe womutumbu wake.”



124



126

127

128

19

11 - WAKASIKIRWA ZVIRINANI



129

2. Mugovera (Sabata): Jesu akazorora muguva; vateveri Vake vakazorora.



130

3. Sondo (zuva rekutanga revhiki): Jesu akamuka muguva! Vakadzi vakauya kuzozora Jesu. Hapana kunyunyuta kuti zuva reSabata kwaiva ripi pakufa kwaJesu.



131

(Chiverengo: Johane 19:30)
Jesu akaremba pamuchinjiko nezuva rekugadzirira uye akati,
“...Zvopera!...”
Johane 19:30.



132

Basa rake rekuponeso raive rapera!
Akazorora paguva nezuva reSabata



133

(Video: 6 sec) akamuka nezuva reSondo, irorinova zuva rekutanga revhiki.
Nyangwe murufu Jesu akachengeta Sabata;
Akazorora muguva nezuva reSabata.
Patinomira pedyo nemuchinjiko, tinonzwisisa kuti hatingangotori chero zuva pamanomwe! Nemhaka yekuti kutamba neSabata kunenge kuri kutamba nekusikwa kwenyika, zvakare kutamba neSinai, nekutamba neKarivhari pachayo!



134

Hongo, zvinebasa kuti tinoremekedza zuva ripi.
MuKristu arimunyori anonzi George Vandeman akanyora kuti:



135

“Tingaone sei vateveri vake vachiramba kuondonga nguva tsvene nyangwe nemabasa erudo,

11 - WAKASIKIRWA ZVIRINANI



136

tingamuone sei achifa pamuchinjiko nemhaka yekuti mutemo waMwari wayisagona kushandurwa nyangwe kuti ununure hupenyu Hwake



137

tingamire sei pakubwinya kwepa Karivhari tichiti hazvinabasa?"
-A Day to Remember, p. 40.



138

Musiki akati, "Rangarira," asi vakawanda vanokanganwa! Asi ichi kwaiva kusiri chinangwa chaMwari. Jesu aitarisira kuti maKristu achengete Sabata nguva dzese.



139

(Chiverengo: Mateo 24:20)
"Nyengeterai kuti kutiza kwenyu kurege kuva pachando kana neSabata."
Mateo 24:20.



140

(Video: 6 sec) Jesu aitarisira kuti maKristu mugore ra A.D. 70, apo Jerusarema payakaparadzwa ayenderere mberi achichengeta Sabata!



141

(Chiverengo: Mabasa 17:1,2)
Testamentde Itsva inoti vateveri vaJesu vakachengeta Sabata mushure mekumuka kwaJesu:
"...vakasvika kuTesaronika paiva nesinagoge ravaJuda."



142

"Zvino Pauro, sezvaaisiita, akapinda kwavari; akataurirana navo zvapaMagwaro maSabata matatu."
Mabasa 17:1,2.
Nerimwe Sabata apo Pauro paaiparidza, avo vasiri verudzi rwemaJuda vakauya kuzomukumbira kuti:

11 - WAKASIKIRWA ZVIRINANI



143

(Chiverengo: Mabasa 13:42,44)

“Zvino vakati vachibuda musinagoge, vakakumbira zvikuru kuti vaparidzirwezve mashoko iwayo neSabata rinotevera.”



144

“NeSabata rakatevera guta rinenge rose rakawungana kuzonzwa shoko raMwari.”

Mabasa 13:42, 44.



145

Mubhuku reMabasa makanyogwa misangano inosvika 84 yakabatwa naPauro pazuva reSabata.



146

Sabata rinofamba setambo yendarama kubva mubhuku raGenesi kusvika munera Zvakazarurwa, richitsanangura avo vakagadzirira kuchingamidza Jesu pakuuya kwake kwechipiri!



147

(Chiverengo: Zvakazarurwa 14:12)

“Ndipo panokutsungirira kwavatsvene, vanochengeta mirairo yaMwari nokutenda kwaJesu.”

Zvakazarurwa 14:12.



148

(Chiverengo: Johane 14:15)

Jesu akati, “Kana muchindida muchachengeta mirairo Yangu.”

Johane 14:15. umwe murairo wacho unotitaurira kuti ti “rangerire zuva reSabata”



149

Kana tichinamata Mwari Musiki wedu vhiki rega rega nezuva rechinomwe reSabata, hatimbokanganwi kuti takabvepi kana kuti ndiyani wakatisika pamwe chete nenyika yese.



150

Kana tichichengeta Sabata vhiki rega rega, hatimboshamisiki kuti tirivanani, vanakomana nevanasikana vaMwari, Mambo venyika yese!

11 - WAKASIKIRWA ZVIRINANI



151

Hatimboshamisiki kuti takasvika sei munyika ino, tiripano nemhaka yekuti Mwari anotida, Ndiye Akatisika.



152

Jesu anofanana anokukuridzira kuti u “rangarire” anotambanudza mawoko Ake kwauri manheru anhasi, mawoko akamborovererwa zvivi zvako pamuchinjiko wepa Karivhari, uye neinzwi nyoro anokushedza achiti, “Nditevere.”



153

Uchatevera here Musiki wako iyezvino?
Uchateerera murairo Wake here weku rangarira Sabata raakagadzirira iwe?
Uchamunamata vhiki rega rega here apo Sabata parinouya nezuva rechinomwe?
Uchatevera here muenzaniso waJesu newevadzidzisi vake pakunamata Musiki wako nezuva rechinomwe resabata?



154

Sabata hayisi nyaya yekuti unonamata nezuva ripi chete, shamwari yangu. Asi inyaya yekutevera Jesu nguva yese. Inyaya yekumira naAdamu naEva apo pavakanamata paSabata yekutanga. Inyaya yekuteerera mirairo yaMwari naMoses apo Mwari paakati, “rangarira zuva reSabata urichengete rivedzvene.” Inyaya yekunamata zuva rimwe naIsaya, Jeremia, Danieri nemagamba ese ekutenda muTestamende Yakare.
Inyaya yekurumbidza Mwari seMusiki maSabata ega ega naPetro, Jakobo (James) naJohane.
Inyaya yekuva umwe wevanhu vaMwari pamagumo enguva, avo vanotaurwa mubhuku raZvakazarurwa kunzi vanochengeta mirairo yaMwari.
Ungada here kuti, “Hongo Jesu ndichamira nemi, ndichakuisai mberi uye ndichakuteverai nzira yese.” Kana chirichishuwo chako, simudza ruoko tinamate.